

**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput LXVI. Decima-tertia ratio: quia doctrina de licito usu opinionis minùs  
probabilis, &c. viam aperit ad dicendum, cum plerisque Probabilistis,  
cusque esse licitum sequi probabilem aliorum ...

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

Hoc autem est conscientias pro libito dirigere, easque susque deque vertere, etiam si Director censeat directionem suam contra se habere cerram autoritatem Scripturæ, vel Conciliorum (prout haber omnis opinio falsa in materia fidei) dummodò pro se habeat aliquem Casuistam, à Probabilistis existimatum doctum & pium. Cum secundum Casuistas, ab ipsis existimat doctos & pios, etiam secundum Sanchez (quem ipsi *Moralium Scriptorum Principem, splendidissimumque Theologie Moralis lumen appellant*) licitum sit in falsa facta, vera fidei, adeoque divina Scriptura, vel Traditioni contraria, permanere, quamdiu persuasum quis habet, suam ejusmodi sententiam esse probabilem, & juxta eundem Sanchez, in rusticis saltet hominibus, à formalia malitia excusari queant, vel ipsa gravissima peccata interna, contra duo ultima Decalogi præcepta, si a viro existimato docto & pio audierint, fornicationem & furtum extrema esse peccata; at licere fornicandi & furandi desiderium. Ita namque casu l. i. in Decal. c. 16. de tali rustico dicit: *Probabilis credo illum actum internum excusari omnino à malitia, ratione ignorantia invincibilis*, id est bona fidei, fundatae in testimonio dicti viri, existimati docti & pii, non obstante certissimo divina Scriptura testimonio in contrarium. Idem in casu plane simili docet de Rhodex disp. 2. de peccat. q. 1. lect. 1. §. 2. Actum quoque externum adulterii in Susanna excusat Cornelius à Lapide in cap. 13. Daniel. ad v. 22. & 23. si metu infamiae & mortis permisisset in se duorum senuum libidinem, interius non consentiendo, prout alibi videbitur. Alias horrendas Probabilistarum laxitates adversus divinam Scripturam exhibet Elenchus Proleg. l. c. 2. productus; adeo (inquam) horrendas, ut vel ipsis Ethnici, non omnino corruptis, offendit. Earum tamen proximam licitam allata faciunt principia Probabilistarum; quorum licet aliqui ex principiis proximis ac specialibus ea damnent, ex generalibus ac remotis principiis illis ea probant, honestantque, prout ostendimus.

794 Dicit quidem Terillus, non omnium probabilium opinionum usum esse certò licitum, sed solum usum opinionum certò practicè probabilium, non probabiliter probabilium dumtaxat. Qualiter dumtaxat probabiles sunt, si tamen probabiles, plurimæ ex opinionibus in memorato Elencho recensitis. Sed non omnes Probabiliste in eo ipsi consentiunt; immo plures (quos pro doctis & probis Terillus habet) certò licitum censem usum opinionum probabiliter dumtaxat probabilium, ut vidimus Prolegomeno l.c. 8. Nec ipse Terillus in eo sibi conflat, sed cum proximè laudatis implicitè eo ipso consentit, quò reflexas hasce maximas, velut moraliter certas tradit: *Lex abstinenti ab aliqua actione, eo ipso non obligat, quò non est certò & evidenter promulgata. Lex seu prohibitio incerta, parere nequit certam abstinenti*

*obligationem, &c. Quia quamdiu non existentia legis seu prohibitionis, est probabiliter probabilis, lex seu prohibitio non est certa, nec certò promulgata.*

## C A P U T L X V I .

*Decima-tertia ratio: quia doctrina de licto usu opinionis minùs probabilis, &c. viam appetit ad dicendum (cum plerisque Probabilistis) cuique esse licitum sequi probabilem aliorum opinionem, dum falsitas ipsius non est ipsi vel fide, vel evidenti ratione certa. Ad dicendum etiam cum Caramuele, omnem actum mibi esse licitum, quem vel fide, vel ratione evidenti, mihi non constat esse illicitum. Utrumque autem duc in monstruam laxitatem.*

V Eritas antecedentis perspicua est ex dictis 793 Prolegom. l. c. 8. & suprà cap. 67.... Utrumque autem in monstruam ducere laxitatem, ibidem demonstratum est.

Præter ibi dicta hic solum observo l. c. 796. mihius esse tribuere quatuor vel quinque Casuistis (quos omnes pios & doctos vocant Probabilistæ, etiam illos, quorum nimias laxitates Ecclesia reprobavit) asserere quod hoc ipso quod ipsi censuerint aliquid licitum, etiam si alii longè plures & sapientiores illicitum sentiant, illud per probabilem, ut vocant, autoritatem suam, licitum reddant omnibus, qui evidenter non cognoverint ipsos errasse, ita ut securos reddant omnes toto Orbe homines, quibus non affulserit omnimoda certitudo de ipsis errorre. Quis enim tantum dedit ipsis privilegium? Et quid resert quod alii omnimodam non habeant certitudinem de ipsis errorre, si equidem urgentissima infra omnimodam certitudinem habeant fundamenta, ob quæ probabilissime judicent ipsos errare? Hic honor (ait sapientissime Thyrus Gonzales Soc. Generalis in lib. de recto usu opin. probab. dissert. 3. c. 3. n. 61.) solum debetur Scriptoribus Canonicis, ut securissime possit quilibet illorum judicium sequi, quamvis in contrarium ipsi occurrit ratio apparterenter validissima, quæ ipsi videatur evidens. Debet enim credere, illam esse fallacem. Quia opponitur assertioni Scriptoris infallibilis. Et eadem mentis subjectio debita est S. Pontifici, ex Cathedra loquenti, & Conciliis Generalibus legitimis, in materia fidei & morum. Ceterum quando Scriptor, vel Scriptores sunt fallibles, & aliquid affirmant in favorem libertatis contra legem, non solum non potest illos sequi, qui certum & evidens putat illos errasse; sed nec ille qui illos errasse credit ob rationes urgentes, quas manifestè cognoscit esse verisimiliores rationibus contrariis, præfertim quando istæ rationes examinatae sunt, & approbatæ à viris probis & sapientibus, majoris authoritatis, quam sint illi, qui favent libertati. Sequi enim homines

fallibiles errantes contra legem divinam, quando prudenter judico illos errare, magna imprudentia & temeritas est. Ego (inquit Aug. ep. 19. ad Hieron.) *solis iis Scriptura libris, qui jam Canonici dicuntur, didici hunc honorem deferre, ut nullum eorum Authorum, scribendo aliquid, errasse firmissimè credam. Alios autem ita lego, ut quantalibet sanctitate, doctrinâque possant, non ideo verum putem, quia illi ita sentunt, sed quia mibi, vel per illos Autores Canonicos, vel probabili ratione, quod à vero non abhorreant, persuaderem potuerant.*

797 Observo 2°. ea qua locis citatis dixi contra Caramuelum, confirmati à Thyro Gonzales, hisce verbis: dicere quod non obligat, nisi ejus existentia sit cognita certò & evidenter ab operante, est res absurdissima, & quæ uno ictu innumera præcepta de medio tollit, & facit licitas res omnes, quæ in controvèrsiam vocatae sunt à Theologis. Unde sufficiet scire, quod disputationur inter Theologos, an aliquis contractus sit illicitus, aliqua actio prohibita, ut statim, absque ullo scrupulo, posse quis ejusmodi contractum, & actionem exercere. Quia hoc ipso quod sciat, id vocatum esse in disputationem à Theologis, reddè inferre potest, non esse manifestum & evidens, quod sit prohibitum. Quia Theologi non vocant in questionem, an sint illicita, ea quorum malitia & prohibitio est omnino certa, & indubitate. Quis autem non videat hoc esse contra omnium Patrum & Theologorum mentem, qui, post longas disputationes & questiones, concludunt, tales & tales contractus esse illicitos, tales & tales actiones esse malas?

798 Et tamen in hanc monstrosum laxitatem prolapsi sunt Probabilistæ aliqui (etiam Terillus, ut vidimus loco relato) quasi vi consequentiae. Ita enim disertè pronuntiavit D. Caramuel in Theol. fundam. n. 275. & n. 451. Edit. Lugdun. (ut eodem loco vidimus.) Neque defuerunt ei suffragia & subscriptiones quorumdam Theologorum, qui tamquam probabiliter approbarunt hanc assertionem, non obligare præceptum, cuius existentia non fuerit manifesta & evidens. Quasi iniquum sit, privare hominem libertate faciendi rem aliquam, nisi constet evidenter de existentia præcepti, quæ ipsum tali libertate spoliat.

799 Hactenus Thysus Gonzales, principium istud nobiscum deinde pluribus refellens, sicutque concludens: ergo certissimum est non requiri ad obligationem præcepti, quod ejus existentia sit manifesta & evidens operanti; sed sufficit, quod prudenter judicet, vel judicare possit tale præceptum existere. Deus enim habet certissimum jus, ut homo faciat ejus voluntatem, quoties prudenter judicare valet, existere præceptum divinum, obligans ad operandum. Et sane in Tribunalu humano, si Petrus coram Judice præsenter instrumentum, vel aliud testimonium, quo Judex morari prudenter possit ad judicandum, Paulum ei debere centum; si Paulus nihil opponat,

quo vim illius probationis elidat, nec aliquid in sui defensionem alleget, debet Judex in favorem Petri sententiam proferre, Paulumque condeinmare ut solvat illa centum. Nec enim expectandæ sunt probationes omnino certe & palmares; sed sufficiunt probationes valde verisimiles. Ergo pariter, si, in Tribunalu nostrâ conscientiæ, occurrat vehemens motivum, ad credendum nos debere Deo alicuius rei executionem, si nullam habemus probationem in contrarium (quæ illius motivi vis elidatur) debemus judicare tale præceptum existere, & nosipso obligatos agnoscere ad rei executionem. Nam probatio illa vehementer movens ad ita credendum, dum non debilitatur probatione contraria, fundat judicium, firmum, absque prudenti hæsitatione de existentia præcepti. Ita ille. Similia habet Charlesius de opin. delectu c. 6. & 7. observans, quod illi qui putant se divinâ lege non teneri, nisi quando clara omnino sibi videtur, nec peccatum à se vitandum, nisi certum sit, nec sufficiere opinionem de illo probabiliorem, ut voluntariè peccasse censeantur; similes sunt homini cæco, aut penè cæco, qui rectam viam sequi nollet, aut fossam declinare, nisi cum eas clare cerneret. Cæcus namque, vel quasi cæcus est omne genus humanum, post primi hominis peccatum.

## C A P U T L X V I I .

*Decima quarta ratio: quia doctrina illa inutile vel parum necessarium reddit, & largescere facit studium Theologie Moralis.*

Cum finis Theologia Moralis sit scire, quod 800 modò formandi sint mores, & quomodò unumquemque oporteat vivere, idque scire absque dubio utilissimum sit, & valde necessarium: absurdissimam oportet esse doctrinam, quæ scientiæ tam utilis, tamque necessariae studium inutile reddit, vel parum necessarium.

Quod autem probabilitatis doctrina, hanc 801 etenim impugnata, studium illius reddat penè inutile, vel parum necessarium, probatur 1°. quia ubi totus penè finis alicuius scientiæ æquè facile, immò facilis, & compendiosus obtineri potest absque illius studio, quam cum illo, studium illius nec utile est, nec necessarium. Sed si ad rectè vivendum, & operandum, sufficit quacumque opinio, etiam minus probabilis de licto, cognita ut talis, totus finis scientiæ moralis obtineri potest sine scientia morali (id est scientia veritatum moralium) adeoque sine studio illius, æquè facile, immò facilis & compendiosus, ac cum illo; per solam utique historicam cognitionem non veritatum, sed probabilatum moralium, quæ longè facilior & compendiosior est scientiæ veritatum, minoreque indiget studio, nec tam magno ingenio, dummodo adsit bona memoria. Cum ista namque historicæ cog-